

ՆԻԿՈԼԻՉԸ՝ ՄԻԱՆՁՆՅԱ ԱՌԱՋԱՏԱՐ

Շախմատի նախաօլիմպիական փառապոհի շրջանակներում անցկացվող Տ. Պետրոսյանի հուշամրցաշարում 4-րդ տուրից հետո միանձնյա առաջադարձի դերը ստանձնեց հարավսլավացի Պրեդրագ Նիկոլիչը, որը տեւական պայքարում առավելության հասավ Արտաշես Մինասյանի նկատմամբ եւ այժմ չորս հնարավորից ունի երեք միավոր: Նրանից կես քայլով ետ են մնում եւ 2-4-րդ տեղերը միմյանց միջեւ բաժանում են ռուսաստանցի Սվիդլերը, ամերիկացի Գուլկոն եւ մեր հանրապետության ներկայացուցիչ



Լպուրյանը: Այս տուրում գրանցվեցին այսպիսի արդյունքներ. Հակոբյան-Եպիշին՝ 0,5:0,5, Գուլկո-Սվիդլեր՝ 0,5:0,5, Լպուրյան-Վահանյան՝ 0,5:0,5, Հրաչեկ-Էլվեստ՝ 0,5:0,5, Անաստասյան-Խալիֆման՝ 1:0: Ի դեպ, սա մրցաշարում անհաջող մեկնարկած հայ գրոսմայստերի առաջին հաղթանակն էր:

Եթե գրոսմայստերական այս մրցաշարում յուրաքանչյուր տուրից հետո աղյուսակն ավելի հստակ տեսք է ստանում, ապա առայժմ նույնը չի կարելի ասել Հ. Գասպարյանի հուշամրցաշարի մասին: Այսպես 4-րդ օրվանից հետո միանգամից 10 շախմատիստ վաստակել են 3,5-ական միավոր: Հայաստանի ներկայացուցիչներից առավել հաջող են հանդես գալիս Եղիազարյանը, Նալբանդյանը եւ Ասրյանը, որոնք իրենց հաշվարկում ունեն 2,5-ական միավոր:

Գովեստի խոսքերի է արժանի հարկապես Կարեն Ասրյանը: Երիտասարդ այս շախմատիստը, որն օրերս հանդես էր գալիս «Կրեմլյան աստղեր-96» մրցաշարում, պարզապես հիացրել է մասնակիցներին: Ընդհանուր առմամբ խաղալով 11 պարտիա, նա հաղթանակներ է տարել անվանի գրոսմայստերներ Բելյավսկու, Ռազուվաեւի, Սվեշնիկովի, Կուզմինի նկատմամբ, ոչ-ոքի արել Վահանյանի, Գուլկոյի, Եպիշինի, Նովիկովի հետ եւ միայն Սակաեւին ու Սմիրնին գիջելուց հետո է դուրս մնացել հետագա պայքարից ու ժամանելով Երեւան, բավականին հաջող սկսել մրցաշարը: